

INUIT ATAQATIGIIT

INATSISARTUNI



Nuuk, 2. juli 2013

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartuni ilaasortaq Naaja H. Nathanielsen, Inuit Ataqatigiit)

Apeqqutit:

- 1. Søfartsstyrelsep nalunaarutaa nr. 417 28. maj 2009-meersoq naapertorlugu nunatta imartaani umiarsuit 3 sømilip iluani angalasut sumiiffimmik ilisimannittumik aquttoqarnissaannik piumasaqaateqartoqarneranik Naalakkersuisut ilumoorneraasinnaappat?**
- 2. Apeqqut 1 akuersaarneqarpat: Naalakkersuisut isumaat naapertorlugu nalunaarut malinneqarpa? Ullumikkullu nalunaarummik malinninnissaq qulakkeerniarlugu qanoq nakkutilliisoqarpa?**
- 3. Kalaallit Nunaanni oqartussat umiarsuarnut aalajangersimasunut imaluunniit angissutsinut aalajangersimasunut nalunaarutip pineqartup saniatigut malinneqartussamik umiarsuit ilisimasortaqarnissaannik piumasaqarnerlutik? Assersuutigalugu Eksklusive økonomiske zone-tta (EEZ) iluani malittassat suut piumasaqaatigineqarpat?**
- 4. Aatsitassanut inatsisip ataani imaluunniit Suliniutinut angisuunut inatsisip ataani ingerlassanut atatillugu umiarsuartigut angallannermi sumiiffimmik ilisimannittumik tamatigut ilaasoqartarnissamik piumasaqaateqartoqarnerluni? Aappiuppat: Akuersissutinik tunnissaqarnermi tamanna tamatigut piumasaqaataava? Naamiuppat: Pisinnaatitsissutinik tunniussaqaarnermi inummik sumiiffimmik ilisimannittumik ilaasoqartarnissaannik piumasaqaatitalerneratigut siunissaq eqqarsaatigalugu taamaannerata allangortinneqarnissaa pilersaarutigineqarpa?**
- 5. Malittarisassat atuuttut Naalakkersuisunit naammagineqarpat, imaluunniit sukaterinissaq pilersaarutigineqarpa?**
- 6. Ilisimasortassanik piareersimasuutitaqalernissaq Naalakkersuisut pilersaarutigivaat?**
- 7. Ilisimasortassat nunanit EU-mi ilaasortaasumeertuunissaannik, taamatullu sikusartumi misilittagaqarnerusutut ilisimasortassat Kalaallit Nunaanneersut, Canadameersut, Norgemeersut nunaniluunniit allaniit EU-mi ilaasortaangitsuneersut periarfissaannik mattussisuusumik, inatsiseqartoqarnissaa Naalakkersuisut akuersaarsinnaanerlugu?**

Tungavilersuut:

Ukiuni kingulliunerusuni illoqarfiit qanittuanni ikkarlunnerit arlallit pisarsimapput. Imar-tatsinnilu angalasut amerleriaateqarsimapput – ukiuni aggersuni suli amerleriaqqinnissaat ilimanaateqarluni. Angallannermi umiarsuit assigiinngitsorpasuit pineqarput. Taakkua ilaatigut tassaapput ilisimatusartut umiarsui, takornarianik angallassisut, umiarsuit uuliamik aatsitassanillu ujaasinermi piaanermilu atorneqartut kiisalu aalisariutit. Ajutoorsinnaa-

nermut periarfissat ikilisarniarlugit umiarsuit sumiiffimmi ilisimannittumik ilaatitaqar-
tarnissaannik piumaffiginnittumik aaqqissuussinissaq arlaleriarlugu eqqartortarsimavarput.
Inuit ilisimasortaasussat assigiinngitsorpassuarnik taaguuteqarsimapput taakkunungalu
piumasaqaatit assigiinngissitaarlutittaaq. Ilisimasortanik, sikuusumi aquttunik, sumiiffimmik
ilisimasalittut, supercarco-tut allarpassuarnillu taagorneqartarsimapput. Neriuppunga unga-
sinngitsumi umiarsuit angallattut, taamatullu inuit imaanilu avatangiisit eqqarsaatigalugit
isumannaannerusumik atugassaqaarnissaat pillugu aaqqissuussinnaassasugut. Taamatut-
taa inuit taakkua immikkut piginnaasaqartut qanoq taaguuteqarnissaannut paaseqa-
tigiittoqarnissaa aamma neriutigivara.

Apeqqutima tamakkerlutik ullut qulit iluini akineqarsimanissaat qinnutigaaara.